

हरि

ॐ

तत्सत्

* संकष्ट नाशन *

भाग—२

प्रकाशक : कौशल्या जाडू

ज्ञानार्थं हि मोक्षार्थञ्च देवतादर्शनार्थम्
प्रभुप्रीत्यर्थं नयनपुष्पे प्रार्पयितुं प्रपन्नः
दासोऽयं हि चरणपतितो चेतसा निश्छलेन
काशीजाडूस्तुवति विकटं शारदादेशवासी

गणपत-स्तुति

आस भक्ति भाव किञ्च गणपतयार

गणपतसंव वोज जयजयकार

आदिकाल पेठकुय तीर्थस्थान

आदिदीव च लगान छु सेठाह जान

प्रजलान छुखचय मूषक सवार

वेतस्ता वठिसपेठ रटिथय जाय

यूगियनत भक्तेन अतिचिय माय

सेंदरा मलिथय चोन दीदार

चरणन चान्यन तल आय योर

नष्ट करतम वोज पापुक वोर

सिद्धि बुथि दित असि भवसर तार

जपव असि लोलसान वाह नाव चाञ्जि

दित ध्यान असिपेठ कलभरत सांनि

बालचंद्र करत वोज सोन उधार

वक्रतोढ विनायक हे लंबोदर

एकदंत गजवक्र वोज आर्चर

गुलि गंढिथ गजानन छुय नमस्कार

विकटजीत विघ्नराज चोनय नाव

गणपतसाव रच नजरा प्राव

धूम्रवर्ण कृष्णवर्ण साधु विम जाय

॥१॥

॥२॥

॥३॥

॥४॥

॥५॥

॥६॥

आमुत शरण च ये काशी जोड़
कर्मफल भूगनि आमुत योर
बाहनाव जपिथय दित असि तार

॥7॥

शिव-स्तुति

यसंजव जटव मंज नेरान छि गंगा

शिवस शंकरस नीलकंठस छि पूजा

निहिथ युस सहसपेठ सोरूप छुस हटिसपेठ

पद्मासनस मंज त्रिशूल छुस अथसकेथ

डेकस चंद्रमुक टयोक वसान शेरि गंगा

॥1॥

कंठस कलयमाल शरीरस सर्पजाल

चिदानंद रुप युसछु कालन होंदुय काल

अथसपेठ रटिथ युसछु वोड वोड त्रिशूला

॥2॥

कोफूरिरंग यस वदनस छु शूभान

छु दयासागर त संसार कुय सार

दिलस मंज उमाहेथ करान राज ताजा

॥3॥

हिमालय थोंगिअपेठ विहिथ युस छु रोजान

नाद ओरंतेन होंद ततियनस छु वोजान

रोजान छु भस्मा मलिथय नेनंगा

॥4॥

हरीश्वर सरीश्वर महादीव यस जाय

अमरनाथ रूपस अमिस क्याछि रचत्राय

श्रावणय पुणिम दोह वजान क्याछि शंखा

॥5॥

भैरवत रुद्रगण हुकमस थविथ कन

शकलौछि विकराल हलि कलि छि खोंखन

भखति छिखन खोचान वछान तिमछि मोजा

॥6॥

हृदयदीशसय मंज प्रथकांसि रोजान

हरकुनि कारस यहय असि छु सोजान

जगथ नचनावनचि अमिस क्याछि माया

॥7॥

यहय सृष्टिकर्ता पानय छु भरता

पानय तमाशमोत छु संहार करता

- पानय छु सोरुय करस क्या वोपूजा ॥८॥
 धतुर भंग चरसा मिचरिकंठि भूज्ज
 समाज्य अंदर यसछु गरिगरि थविथ मन ॥९॥
 शूवान सहसपेठ यमिस सूरिरंगा
 कोताह भयानक मगर जलछु तोषाण
 यह्य गव महादीव अमिस कांह न पोशान ॥१०॥
 भस्म तनि मलिथय फेरान नेनंगा
 सपदिथ पनुन ज्ञान करिय क्याचे थ्रान ध्यान
 ह्युह्य भासि सोख दोख मान भिइ अपमान ॥११॥
 त्यागस ह्यथय काम लगिय कांहन हाना
 छोंड दयुत काशियन वुछुन पानसय मंज
 संतोष अमरेत चेनकुय कोरुन संज ॥१२॥
 सोरुपस त रंगन शिवस कांह न भीदा

चक्रेश्वर-दरबार

- प्रातः सायं भिइ वटवार
 छु लगान चक्रेश्वर दरवार
 अछु कलाइ गोढ छुय गणपतसांव
 छु करान सारिनय ओवन सु गोब ॥१॥
 अमिस आदिदीवस कर नमस्कार
 एकदंत वक्रतोंड विनायक नाव
 गोढ दिस अशिवाजि लोलय च वाव ॥२॥
 गच्छिय खोश भवसर मेलिय तार
 पकव अति वोंह सतश्रृषि प्रजलान
 अति कर कुजि कामनाय होंद ध्यान ॥३॥
 थोद तुल टींक वोक करुस जार पार
 आसनय ताकलि रोज् तेलि खोश
 जुफतुलि आसन त्राव तेलि वोश ॥४॥
 अथ जय धारिथ करुस जार पार

जफचय ओंकार पख ब्रोंहकुन

हथ कदम चय खस वोडा ह्योरकुन

शारदा पीठस कर नमस्कार

॥5॥

दीवीत दिवता अतिछिय समान

एकाग्र मनकिञ्ज कर चय ध्यान

चेथ अंधकारस गछिय पचपार

॥6॥

॥अमिपत आशुतोष शेवशंकर

लगेना काँटा ना कंकर

नमः शिवाय जफ भिइ ओंकार

॥7॥

तवपत द्रोंठईय हेरतय ढीढि

यहयछय वथ खसनि शारदापीठ

अथिहेरि भावचय लोलतय प्यार

॥8॥

जफचय मंत्र त पावि पावि खस

वछ कोताह लवख आनंदरस

पंचमहाभूतुक शरीर ह्योर खार

॥9॥

गाह त्राववनि वछ हेरि ढीढि व्याख

अतिछिय भखति जन् भिइ रति ग्राख

मशिय वोडा पाप क्रूध भिइ अहंकार

॥10॥

वनय क्या मशान अति पनुनुय पान

जाय रटिथय लाग धारणाइ ध्यान

दृढ रुजिथ लवख भवसर तार

॥11॥

पञ्चस्तवी इंद्राक्षी वोज

भवांनी सहस्त्रनामुक सोज

गायत्री मंत्र त भिइ ओंकार

॥12॥

बीजाक्षर भिइ मंत्र त जफ

करवनि अति यूगी छिय तफ

मूक्षद्युय लबुन चय तेलि अति प्रार

॥13॥

घंटाध्वनि भिइ शंखुक सोज

मशरिथ सोरुय ध्यान दिथ वोज

प्रावख प्रकाशय गलिय गटकार ॥14॥

धूपतय रत्नदीप भिइ कोफूर
शूवान गाह्नावान सिन्धूर
कोंगपोश वळ्छिय जन्म रथिखार ॥15॥

पतिकिञ्च राजरेनि रानि भ्रे सी
अतियछय ज गत्माताति हारी
यू ह्दुय ध्यान धर कर नमस्कार ॥16॥

काशिनाथ जोड़ मंगान त्युथ ज्ञान
हरदम रोजिहेम भगवथ ध्यान
सोखस तय दोखस मंज करय जारपार ॥17॥

नव-गृह

दया दृष्टिय सांति नवगृहीदि रछिनम
सोखसान लगिनम भवसर तार
भार्गव ब्रह्मपथ वोद्ध राह मंगल
चंद्रम सिरिइ कीत हाव रच वय
शनश्चरति बूजितन म्योनुय जार पार ॥1॥

दीनम पोज ज्ञान पानय स्वयंभू
सोर युथ व विजिविजि सोऽहंसो
नाशस गछितन पापुक म्योन वार ॥2॥

गृहपीढाइ भिइ साडसती मंज
रछिनम नारमंज जून गुलजार
करनावितन मेति रति रति व्यवहार ॥3॥

ललिहेंदि पोठिय वनिनम पोजज्ञान
युथमे रोजि विजिविजि भगवथ ध्यान
आत्मकि ज्ञान साति ममताइ करलार ॥4॥

मेच पोञ्च नार वाव आकाश मीलिय
लोगमुत इमि कायाय होंद वाठ
समया वोतिथ गछान अथ पचपार ॥5॥

- इमि संसारुक सोख्य नाशवान
जीवचय प्राववोञ्ज पजरुक ज्ञान
ओंभूर्भुवः स्वः मंत्र करि पार ॥6॥
- शंकर वोजिगर इ तमाश रचान
इमि संसारुक छु मेल लगान
दोह चोर गिदिथय छु करान संहार ॥7॥
- जिदहसद पाप क्रूध मन किञ्ज गोलिथ
ध्यानचि खोनिमंज शोंग त्राविथ
आस कति गछ कोत किछ मटिछम खार ॥8॥
- मंदोरि वजिवजि भांइ वन्ध संतान
माकर इमनय पेठ अभिमान
चय जीव इति आख ततिनय छु घरवार ॥9॥
- लछि वाधि सोंवरिथ कछ तिन पननुय
जीवो तिय कमाउ ईय चे गछि साँति
इमि कायाय होंदति त्रावुन छु इति वार ॥10॥
- वोञ्ज त्राव कथ चय राविमति गामचि
काशियो जान कर पाञ्जी पानचि
अज्ञानस चय ज्ञान साँति कर लार ॥11॥

आत्म-बोध

- जीव चय इति आख ततिनय छु घर चोन
संसार सदरुक केंहति नो चोन
जन्मय हेन ब्रोंह कति ओस चोन पान
अमि कथिहेंज हेत वार पोठि साम
योगाभ्यास भिइ प्राणायाम साति
चेय ईय स्मरण घर ननि प्रोन ॥1॥
- शाह प्यूंत आसिथ छुख तुलान वोडबार
इछ्ख योत तोत छुख त्रावान दोर
मीलिथ वावस हफ पेख पथरय
मेचि साति मेच मेलि क्या हसर चोन ॥2॥

ठीकिय योताम छुख करत रच कथ चोर

सोऽहंसोहस पेठ करत घोर

अमिसाँति परमानन्द चय प्रावख

अथिक्कंजसय मंज शंकर चोन

॥३॥

कर्म भूमिकाइ मंज रचकामि करिथय

फल प्रावनुक चय मत करत लूभ

त्राविथ लालच त संतोष धारिथ

आमाल नोन नेरि प्रजलान चोन

॥४॥

ढंव लगनय ब्रोंह कति ओस मोर चोन

प्रेनिस पेठ करत स्मरण त ध्यान

नविरा प्रोवुथ केंचस कालस

आखरकार बुढि इति गच्छि प्रोन

॥५॥

भाई वन्धु रुपा इथ यात्राइ मंज

कुनि मंजिलस ताम साथी चाज्जि

यात्रा मोकलिथ पननिय वथ रटान

न च छुख त्युंहुदुय नछि तिम चोनि

॥६॥

किथ पोठय इस्ताद वनकुय दिवदोर

लंगलंजि वोनचार वछि अमिच शान

समयस पेठ वातान छुस तवरदार

खोश गच्छिथ क्खदिवान इ सेठाह प्रोन

॥७॥

तवरा त्राविथ छुस करान व्योन व्योन

छु सेठाह खलकन आसान ह्योन

वोतिथ घरघर छस क्या हालत

लंगलंजि हूंहदी घरि मूला छु सोन

॥८॥

जंगलय उपदिथ कथकथ जाइ वोत

ओढचाव गजितय लोग अडिस द्रोत

काला वातिथ तथि मेचि भिइ म्यूल

युथुय छु पानो हाला म्योन

॥९॥

प्रथ कासि साति चय रुत करत वेवहार

सेजरुक त पजरुक कर कारवार

तार लगि पानय संसारसदरस

॥१॥ तारदिन बोल सुय शंकर चोन ॥१०॥

मोटर जंहाज भिइ राकेट प्राविथ

कारखान धारिथ इलि वाति काल

लछि तय करोरवोधि नोकर त चाकर

॥२॥ कांहतिनो सहाय हेकि करिथय चोन ॥११॥

सोन रोफ भिइ धन भूमीति जीतिथ

त्राविथ इतिनय छु गछुन तौर

भगवथ नावय सोरत पान घरिघरि

॥३॥ सुय तरणतारण छु पजरुक चोन ॥१२॥

स्वप्नस मंज चय इथपाठय घरिघरि

क्या क्या वनावान क्या छुख लवान

मोकलिथ स्वप्ना अपजुय आसान

॥४॥ छि गछान व्याकुल केहतिनो सोन ॥१३॥

इ जगथ सोरुय छुय स्वप्नमाया

कुशलाइ पेठ क्याजि यूत लोल चोन

काशियो मूहघट योदवय त्राविथ

॥५॥ तेलि बोज आवागमन छयोन चोन ॥१४॥

प्रथम वार

1977

मिलने का पता :- वेद प्रकाश जाडू 62/2, गणपतयार-श्रीनगर

लक्ष्मी पेपर सदन एण्ड प्रिंटर्स 33-ए, सिंगल स्टोरी, रमेश नगर दिल्ली-15